

皇明通紀法傳全錄

皇明通紀法傳全錄卷七

東莞 陳建輯 西湖高汝栻 訂

雲間 吳棫增剛 高拱煥 正

洪武十年正月賜翰林承旨宋濂致仕濂行既有期
上眷念猶深曰卿去何時後來見朕乎姑徐徐行由是
朝夕左右者累日時詔求直言朝臣有上萬言書者
上厭其迂衍怒欲罪之以問羣臣逖厭意者指其疏爲
不啻當抵罪上笞之而怒未解濂曰彼應詔上疏其
心爲上耳烏可深罪已而上覽疏中有足採者召願意
之臣訴曰吾怒時若等不能諫乃導吾誅之是以膏沃

一字之製
崇于華表
四神蓋休
臣之遺殿
馳吏之誅
遂行不廢

火耳向非宋濂之言不幾誤罪言者耶及頻行賜楮幣
文綺及御製文集二代誥命皆上親製皇太子又
賜衣二襲上又問濂曰卿今年幾何濂曰六十有八
上曰藏此綺俟三十二年後作百歲衣也濂頓首謝
上復囑曰大江漲不可行宜循內河至家仍命使護
行濂感恩請歲一來朝上許焉

上嘗廷譽濂曰古人太上爲聖其次爲賢其次爲君
子若宋濂之事朕十九年未有一言之僞消人之疑
寵辱不驚終始不異可謂君子人乎抑可謂之賢者矣

上謂中書省曰官員聽選在京者宜早與銓註即令赴
任毋得淹滯在京輒經歲月銓選之後以品爲差皆與

道後淹干
便還因干

道途阻倍
而取償于

官駐使不
可勝採矣

計西蕃

以制辭官
孝而有休

道里費仍令有司給舟車送之著爲令

二月命衛國公鄧愈大都督沐英等討西蕃分兵爲三

道併力齊入破蕃部川藏覆其巢穴追至崑崙山斬首

不可勝計遂遣陳州等衛將士分戍隰北等處而還

三月命鹽察御史李鐸往誠意伯劉基家取其觀象

玩占天文諸書先是基子璉遵父命收諸書藏藏石室

中俟服闋上進及鐸至璉卽日出諸石室悉取送官從

璉赴闕言其父遺命上喜欲官之璉以未終制辭甫

釋服除考功監丞尋兼監察御史復擢江西參政○始

定天地合祀之典初從陶安之議冬至祀天于員丘夏

以天合人
以明準幽
一理貫徹

建人祖殿

聖王座前
為民之心
何其迫切
如是

至祀地于方丘行之既久風雨不時天多變異上因
覽羣議獨斷于衷謂天地猶人父母為子之道致父母
異處安得為孝乃採古明堂遺制即圓丘之舊墀以屋
蓋之名曰大祀殿并列合祀六宗之神各築壇以從舉
每歲正月擇日行禮焉

九月勅中書省免浙西今年秋糧以去年水災人民艱
難故也

四月誅戶部主事趙乾以其賑饑遷延視民死而不救
黜臨淄縣丞王基以言皆謬戾欺罔朝廷

六月上謂中書省曰清明之朝耳目外通則下無壅

如此則言
路馬得不
通

竟心之執
雲雨陽之
月歸文衣
之心非
其難兼之
與

藏國家治否實關于此。今後令天下臣民凡言事者實
封直達御前。○遣巡按御史巡按州縣。○暹羅斛國遣
使奉金葉表貢象及方物。○上謂侍臣曰。前代庸君暗
主。莫不以垂拱無爲藉口。縱恣荒寧。不親政事。孰知治
天下者無逸而後可逸。朕卽位有年。常以勤勵自勉。待
旦卽臨朝。曠時而後還宮。夜臥不能安席。披衣而起。或
卽觀天象。見一星失次。卽爲憂惕。或量度民事。有當速
行者。卽次第筆記。待旦發遣。朕非不欲暫安。但祇畏天
命。不敢故耳。朕言及此者。但恐羣臣以天下無事。便欲
逸樂。股肱旣惰。元首叢脞。民何所賴。書曰。功崇惟志。業

聖德

廣惟勤爾羣臣。但能以此爲勉。朕無憂矣。○置通政使司。掌出納諸司文書。敷奏封駁之事。以曾秉正爲通政使。

十月。衛國公鄧愈自河州班師。至壽春卒。計開上哀。愍追封寧河王。謚武順。

愈器量宏偉。沈毅謙恭。慎密臨大敘而不惧。有大功而下。於禮賢下士。寬惠愛人。所歷廣德。宣城。徽。嚴。饒。撫。南。昌。襄陽。八郡之民。皆懷其德。

四川威茂土酋董貼里作亂。命御史大夫丁玉討平之。進封中山侯。湯和爲信國公。封沐英爲西平侯。○都督僉事濮真征高麗被執。屈死之。真。鳳陽人。國初從舉。

義以忠勇被遇有功歷官都督至是征高麗被執高麗
王愛其驍勇欲降之真厲色曰吾爲天朝大臣視爾夷
君猶若下風敢以此望我耶王怒欲兵之真大罵曰夷
虜爾害吾吾主必滅爾國爾不知吾大丈夫有赤心肯
爾屈耶卽抽刀剖心示之而歎王初意止欲迫脅真降
不虞真之來也真歎王大懼遣使入朝謝罪并歸真從
行兵士上曰漢真當危難秉義不屈忠義可嘉追封
樂浪公謚忠靈表其門曰班超羣將志邁羣雄時真子
璵生甫數月卽襁褓中封爲西涼侯以報真功 秋南
番浣巴國入貢賜以金幣

明倫彙編 家範典 卷一百一

淡巴在西南海中，景秀地廣，泉甘水清，草木暢茂，畜產甚衆，石城瓦屋，王乘輿官路馬，頗有威儀。國人勤生，種植織纈，抱布而賣，男女咸務常業。市有交易，野無冠盜，稱樂土焉。

宋濂來朝，越十四日見於端門。上見大喜，自是日侍

上遊，恩禮備至。

十一月皇孫允收生。

皇孫頂顙頗偏，太祖撫之曰：「半邊月兒，知其不克終也。」及讀書，甚聰慧，嘗詠新月詩云：「誰將玉指輕相摸，微碧天痕影落江。」湖內蛟龍不敢吞，上不悅，以其非吉兆也。

曲盡關中之情，深得之，聞寺之裏。

有內使以文事內廷者，從容言及政事。上怒責之，即日遣還鄉，終身不復用。諭羣臣曰：「自古賢明之君，有謀必與公卿大夫謀，諸朝廷而斷之，于已未聞近習嬖侍。」

詩自好

言官規鑑
聖子神孫
所當奉
若祭者也

御覽考
之始

得預謀者。况閣寺之人朝夕在君左右。出入起居聲音笑貌。目接耳目。其小善小信。皆足以固結君心。而佞倖專恐其體態也。苟一爲所惑。而不之省。將必假威福。竊權勢。以干政事。及其久也。遂至于不可抑。而陪亂者多矣。朕常以爲鑒戒。故立法。寺人不過傳奉洒掃。不許干預政事。今此宦者。雖事朕日久。不可姑息。決然去之。所以懲將來也。乃制內侍不許讀書識字。

高汝栻曰。高廟舊制。內侍不許讀書識字。至宣廟始以翰林官教之。于內侍監聖祖所制。良有深意。可謂思患豫豫防之遠矣。

戊午洪武十一年正月。徵天下布政司官及各府縣官。

臆制若此
今時獨
資格何耶

澤及野
仁恩可謂
過涉無遺
矣

京下懸牙
牌之始計
松書

來朝卽命吏部考績官殿最上謂吏部曰朝廷懸爵祿以待天下之士資格者爲常人設耳若有賢才豈拘常例今後庶官之有才能而居下位者當不次用之由是李文煥自西安府知府費震自寶鈔提舉俱擢爲戶部侍郎其餘九十五人悉量材超擢郎中知府知州等官勅中書省議減鹽價上曰鹽價太重商人無利以致輸粟者少故議減之○御製表文諭祭安東沐陽二縣野鬼時永嘉侯朱亮祖奏二縣之野暮夜多鬼民人皆驚故製文以勅之○給朝參文武百官牙牌懸帶出入以防姦僞○李玉討松潘蠻平之置松州衛戍守其地

○北平有警命信國公湯和率列侯韓政郭興俞通源黃彬等練兵臨清以聽調遣

四月命江陰侯吳良督造皇室於陵所上以前所製皇陵碑記皆儒臣粉飾之文不足爲後鑒乃親製皇陵碑備述昔日之艱以示後世○以某州知府董俊爲兵部尚書明州知府余文昇爲工部尚書

五月南番彭亨國及百花國各遣使奉金葉表文來朝貢二國前代皆未嘗通中國

彭亨在東南海島中並山山傍多平原禽獸希少草木繁茂沃土宜穀饒果蔬其俗上下親狎無寇盜男女椎髻好誦佛經其海爲鹽釀椰爲酒產片腦諸香花錫物百花在海中依山爲國國中有奇花嘉樹民

俗饒富商釋教產紅猴、龜、倚玳瑁、孔雀、劍玃、烏胡、
叔時國王刺了刺者望沙、亦遣八智亞壇來朝貢、
六月以朱麥貴爲禮部尚書。○元嗣君愛猷識理達刺
死其子脫古思帖木兒立。上遣使往祭之。○選武臣
子入監讀書。

九
秋
根

八月詔免應天太平鎮江寧國廣德徽州六郡及長興、
安吉、宜興、江陰四縣今年秋糧。○西番洮州等處戎寇
爲亂、命西平侯沐英爲征西將軍、率都督藍玉、王弼、金
朝興、吳復、張龍、葉昇、謝成、章溫、周武、曹興等統兵征之、
首取甘朶、降其萬戶乞失迦夷、其部落俘獲無算、洮州
十八族番兒三副使在舒朶酋只阿烏阿卜商等據納

三
征
西
番

續曆之始

闕七站之地英等進兵擊之

九月 十三奉天殿頒曆於諸王百官

十一月臨江侯陳德卒追封杞國公。以梅殷為駙馬

都尉尚皇第二女寧國公主。殷思祖從子

十二月封諸王。栢為湘王。桂為豫王。後改封代王國大同模為

漢王。後改封肅王植為衛王。後改封遼王駙馬都尉曹國公李

貞卒。文忠文也。命總兵官辰州衛指揮楊名討五開叛蠻

破之

已未洪武十二年正月十一日合祀天地于南郊大祀

殿。上聽朝之殿延諸儒臣賜坐便殿講論治道時國

通此陸遇正可敷陳

所學而默
然不言宜
加貶黜

平洮州等
處戎寇

置洮州衛

子學官李思迪馬懿緘默不言上黜之勅諭國子師
生曰自今爲師爲弟子者一以孔孟爲法以副朕貴望
之意慎無如李思迪馬懿也○助教吳伯宗進講東宮
陳正心誠意之學皇太子嘉納尋改典籍○沐英等
兵至洮州古城番酋三副使等師衆遁去我師追擊敗
之斬積石州叛逃土官阿昌七站土官失納等遂于東
麓山南築城戍守旣而番寇引兵來敵我師大敗之生
擒三副使等斬俘數萬得納三站七站之地歸于職方置
洮州衛設官領兵守之○沐英平洮州戎寇捷書到
上曰洮州西番門戶築地戍守是厄其咽喉也遂命置

衛

二月命曹國公李文忠往河州岷州臨洮鞏昌等處整
治城池督理軍務○安置日本使僧于陝西

倭日本即古倭奴國海中諸夷倭奴最大西南至海
東北大山國主世以王爲姓羣臣亦世官地分五畿
七道三島又有附庸國百餘拘邪韓最大其國小者
百里大不過五百里戶小者及千多止一二萬皆倭
種也漢滅朝鮮通稱王者三十餘國倭王最雄長者
邪馬臺即非摩羅歷漢魏晉宋隋皆朝貢稱習華俗
唐成亨初惡倭名更爲日本其俗男子冠頭斷髮無
面文身婦人被髮屈紒皆跣足同用簪其喜盜輕生
好殺天性然也物產金銀琥珀水晶硫黃水銀銅錢
白珠青玉蘇木胡椒細絹化布螺蚶漆器扇犀象刀
劍鎧甲馬交市華人喜得童男女錦綺絲綿磁針
國朝洪武二年寇山東並海郡縣及淮安三年又寇
山東轉掠浙福旁海郡是年遣萊州府同知趙秩賜
璽書諭其王良懷王禮秩具狀遣使隨秩奉表稱臣

夷狄大有
常治處無
口不治則
養成其邪
心矣

入貢使未至、又掠温州、上又遣僧祖闢無遠、開諭
之王遣使、同一僧入貢、是年寇海鹽、掠温州、初令
漸福造海舟防倭、又寇福建海上諸郡、六年、以于顯
爲總兵官、出海建倭、倭寇登萊、七年、以膠州、是年遣
僧來貢、無表文、却之、其臣亦遣僧貢馬、茶布刀扇、亦
却之、令中書修文責王、九年遣僧歸、廷用等奉表及
方物謝罪、賜王及使、文綺自差、已而上覽表曰、良
懷不誠、詔責之、十二年、入貢、無表文、命安置之

三月遼東守將蒲敬業、以高麗遣人致書來奏、上
曰、高麗行禮一節、非彼殷勤之言、蓋間諜之萌也、人臣
無外交、爾等其慎之、旣而復以龍州鄭曰等、率男婦來
降爲奏、上曰、高麗僻居海隅、其俗尚詐、其性多頑、如
墮其計、爲害豈小、春秋有云、毋納逋逃、不然邊患由此
啓矣、○上以春秋本之、魯史列國之事、錯具間出、欲寃

春秋本末
賦

始終艱于考索。命東宮文學傅藻等纂錄類聚。至是有
成命曰春秋本末。○四川賊貴等爲亂。焚掠十四州。
縣四川都指揮使司以兵討之。不克。至是監玉盡殲其
衆。平之。○指揮李實從沐英平西羌。與虜騎遇于土門
峽。大戰數十合。我兵少却。張兩翼出其後。以精騎蹂之。
虜大敗。實躍馬乘勝深入。俄爲流矢所中。流血被甲。髮
劍復戰。勇氣百倍。會日暮。收兵還營。翌日創甚。輿還。輦
昌卒事聞。追贈大都督府僉事。○西安城中皆饑。鹵水
不可飲。至是曹國公李文忠以爲言。乃命西安府官役
工鑿渠。甃石引龍首渠水入城中。縈繞民居。始得甘飲。

以進賢納
諫爲要者
實與切之
者少耳

四月以儒士吳沉爲翰林院侍制。上與之論持身保業之道。曰。人當無所不謹。事雖微而必慮。行雖小而必防。不慮于微。終貽大患。不防于小。終虧大德。常人且然。況人君乎。沉對曰。聖慮及此。誠社稷永安之道。○上御奉天門。視朝畢。顧謂吳沉曰。人主治天下。進賢納諫二者。真切要事也。沉對曰。誠如聖諭。但求之于古。能行者亦鮮。是以亂日常多。治日常少。上曰。使其真知賢者。能與其國。何有不進。真知諫者。在于忠已。何有不納。沉對曰。陛下此言。誠國家興治之要。

閏五月。勅遼東守將潘敬業。旺日奏至。知高麗龍州鄭

白等率男婦來降。特未審將軍議其計否。高麗僻居海隅。其俗尚詐。況人情莫不安土重遷。豈有舍桑梓而歸異鄉者耶。中國方寧。正息兵養民之時。爾與東夷接境。慎勿妄生小隙。使彼得以藉口。符至之日。開諭來者。令還以破彼姦。若我正而彼邪。彼果不減。則師出有名矣。其來降者。切不可留。春秋有云。毋納逋逃。不然則邊患將由此而啓矣。○詔以北平久不雨。今年夏稅秋糧。盡行蠲免。

六月沐英等班師至京。上以諸將征西有功。封藍玉爲永昌侯。王弼定遠侯。張龍鳳翔侯。吳復安陸侯。

葉昇靖寧侯

謝成永平侯

張溫倉寧侯

曹興

懷遠侯

周武雄武侯

金朝興宣德侯並食祿二千

石子孫世襲指揮使

上又以都督仇成積有功劳封

安慶侯亦食祿二千石子孫世襲指揮使

八月遣使齎勅諭宋國公馮勝時勝督建周王宮殿于

開封府將以九月興役以其時民當種麥諭之日中原

民食所恃者惟麥耳近聞爾令有司集民夫欲以九月

赴工正當播種之時而役之是奪其時也過此則天寒

地凍不得入土來年何以續食誠恐小民之怨咨也勅

至其卽放還俟農隙之時赴工未晚○永嘉侯朱亮祖

鎮廣東令罷職居江寧

亮祖以定浙左平閩中征兩廣伏四川行定未下州縣七年同何文輝鎮北平十一年巡視淮陽又鎮廣東嘗出軍民三萬人拓廣城八百餘丈在鎮所爲多不法番禺知縣道同上其事勘皆實上念其功不下吏但令罷職居江寧未幾病卒

靖海候吳禎卒

禎字翰侯漳州定遠人追封杞國公命都督僉事張赫代海運督遼東

詔徵天下博學老成之士先是上謂禮部曰爲國得寶不如薦賢朕自臨御以來十有二年思得賢士以熙庶績然博學老成之士匿德藏光甘于窮餓不肯輕出宜下有司悉心推訪禮送于朝朕將顯用之○江西布

政使沈立本遣人徵故元吏部侍郎伯顏子中子中飲
鴆歟

子中西域人通春秋五領鄉薦累官至江西行省都
督陳友諒陷贛州子中募壯士復城不克間道入福
建行省子中出奇計收復建昌遂泮海獻捷元都授
福建行省郎中累遷至吏部侍郎出使廣東比至而
廣已歸附子中墜馬求死不得折一足于是變姓名
浪跡江湖時居進賢北山先是其妻子已爲江西參
政楊憲送京師有弔之者子中答曰吾身且不有奚
暇顧妻子哉善不後生嘗懷鴆自隨曰有強我者當
以灰答之說縣聞而義之不之強至是立本專使招
之子中慨然曰吾今灰亦晚矣乃具牲酒祭其祖父
師友作歌飲鴆而成

徽寧國府訓導陳迪爲翰林編修○訪求卜筮人○貶
右丞相汪廣洋于海南道卒

愛恤同寅
雖同達至
名位俱喪
而身隨之
忠公君子
豈其然乎

天賜奇以
保安聖
駕不然幾
落殺中矣
劉誠意之
先見徐經
國之忠言
奇少壯之

廣洋與胡惟庸同在相位惟庸所為不法廣洋知而
不言上察其然勅以洗心補過廣洋內不自安久
之古賊貢物使者既至廣洋不為引見上下書切
責之廣洋懼甚至是御史中丞涂節言誠意伯劉基
為胡惟庸毒死廣洋宜知狀上問廣洋廣洋對無
是事上頗聞其實因責廣洋欺罔居海南州次太
平復遣使勅之廣洋得賜書懼甚遂自縊

庚申洪武十三年

正月丞相胡惟庸等謀逆內史雲奇發其事皆伏誅

胡惟庸黨逆謀已定証言所居井湧醴泉邀上往
謁惟庸居第近西華門守門內史雲奇知其謀乘輿
將西出奇走衛驛道勒馬銜言狀氣方勃舌蹇不能
達意上怒其不敏左右趨檣亂下奇垂髯右臂將
振袖麻指賊臣策鼎為痛縮上方悟登城眺察則
見彼第內兵甲伏屏帷間數匝上亟反遣兵圍其
第罪人一一就縛并其黨御史大夫陳寧中丞涂節
等皆伏誅上召雲奇死矣深悼之追封右少監賜

身誠可為
三不朽

身孝心邪
之人不可
一日使大
權落其手

韓鍾山命有司春秋致祭仍給洒掃戶六人。○按惟庸自楊憲誅後總中書政事專生殺黜陟以恣威福內外諸司封事有病已者輒匿不聞四方奔競者超其門諸武臣多附之徐達嘗言于上惟庸忌之達有閭者福壽惟庸陰誘為已用冀以圖達乃為福壽所然昔劉基亦言庸不可用知而恨之會基病以毒藥中之事在八年正月惟庸兄女妻善長從子祐相結搆譴安吉侯陸仲亨平涼侯費聚見庸專政往來益密庸令掌管軍馬又與陳寧在省中閱天下軍馬籍令都督毛醜取衛士劉遇賓及亡命魏文進等為心替太僕寺丞李存義善長之弟惟庸之婿父也以親故往來惟庸家密令存義以邪謀說善長事皆未發會惟庸子有馬馳驟于市奔入輓轡中傷死惟庸殺輓轡者上怒命償其死惟庸請以金帛給其家上不許奈節乃上變告時商岳謫降中書省吏而亦以惟庸陰事告上命羣臣更訊惟庸辭窮不能隱遂論死又以徐節本為惟庸謀主見其事不成始上變告乃誅節併陳寧餘黨皆伏誅

胡惟庸辭連李善長陸仲亨羣臣請罪之上曰朕初

太祖何負
千善長仲

起兵時善長來謁所言多合吾意遂命掌書記贊計畫
功成爵以上公以女與其子仲享年十七父母兄弟俱
亡恐爲亂兵所掠持一升麥藏伏草間朕見之呼曰來
遂從朕長育成就以功封侯此皆吾初起時股肱心腹
吾不忍罪之其勿問○革中書省罷丞相等官不設陞
六部爲正二品衙門分理天下庶政改大都府分設左
右前後中五軍都督府

皇明祖訓云自古三公論道六卿分職並不曾設立丞
相自秦始置丞相不旋踵而亡漢唐宋因之雖有賢相
然其間用者多有小人專權亂政今我朝罷丞相設五

萬古無弊

深有所覺故止重刑以警之

蘇稅賦役雖減而乾之能即尤為煩重

皇明法傳

卷七

十三

府六部都察院通政司大理寺等衙門分理天下庶類彼此韻韻不致相壓事皆朝廷總之所以穩當以後子孫做皇帝時並不許立丞相臣下敢有奏請設立者文武羣臣即時劾奏將犯人凌遲全家處死

二月以嘉興知府薛祥為工部尚書○命戶部減蘇州松江嘉興湖州四府重稅糧額吳中自昔號稱殷富元末張士誠據以為資與王師相抗者十餘年徐常二大將統兵二十萬圍姑蘇百戰而後克上憤其城久不下惡民之附寇且受困于富室更為處守因令取諸豪族租佃簿曆付有司俾如其數為定稅故蘇賦特重而

松江嘉湖次之。蓋以懲一時也。至是乃命減其額。元
僞國公火脫赤知院愛足屯衆和林爲邊患。上命沐
英總陝西兵討之。由亦集乃路渡黃河。歷賀蘭山。涉流
沙。至其境。去其營五十里。英下令分軍爲四。一襲其背。
二掩其左右。英率驍騎當其前。夜銜枚以進。合而圍之。
脫火赤等駭惑。不知所措。俯首就擒。獲其全部以歸。
四月命羣臣各舉所知以備任用。

五月甲午。雷震。謹身殿大赦。詔曰。朕以非德託于萬姓
之上。奉天勤民。于茲十有三年矣。不期宰輔失職。四姦
擅權。使賢愚陷于不義。朕思創業之艱難。念守成之不

易首除姦惡鋤根剪蔓爰及餘黨然刑戮之際不無過
焉甚非上帝好生之德乃于是月初四日申時雷震謹
身殿朕甚懼焉于是赦天下罪者除十惡不赦外其餘
已未發覺結正罪無大小咸赦除之○賜御史臺左中
丞安然歸鄉里命韓國公李善長理臺事
詔洪武十三年天下秋糧盡行蠲免○遣使齎勅諭江
陰侯吳良豫章侯胡美即胡廷停罷王府一切役作宜
以昭上天垂戒之意

時良董建齊王府于青州美董建潯王府于長沙因
雷震謹身一切停罷聖祖可謂遇災而惧克謹天
戒者

矣

六月以蘇恭讓為漢陽知府。

恭讓為治簡而明嚴而不苛漢陽寄迹省城凡征役科歛倍于他郡故政繁而民困前守無敢言者恭讓無過重役必為申理事多簡省民賴以安。

上以天變避正殿羣臣上表回請至是凡兩月然後受朝于正殿○胡惟庸謀叛事覺上以朝廷用人待之

本厚久則恃恩肆為奸究乃命翰林儒臣纂錄歷代諸侯王宗戚宦官之屬悖逆不道者凡二百二十人備其行事以類書之既成賜名曰臣鑒錄頒告中外之臣俾知所警

七月遣使齎符召興化府學教授吳源湖州府學教授

纂錄臣堅錄

童冀赴京。復遣使召儒士王本、杜祐、龔敦、趙民望、杜敬、李延齡、李幹、楊良卿、王成學、吳慎明、劉仲海、鄒魯任、宋季子至京。至是，上坐武英殿，西廡召見諸儒，使各言志。本等對曰：「爲士者，貴幼學而壯行，然求之往昔，懷致君澤民之志，而不遇明主，道不行，功不立，徒湮沒于世。如此人者，豈不悲哉！臣等草野愚陋，學不足以明道，才不足以經世，誤蒙聖上以儒臣召，與圖治道。臣等遭遇恩榮，誠千載一時。慶幸何如？若不思報稱，是自棄于明時，何以稱士？」上悅，故命置四輔官，兼太子賓客，位列公侯都督之次，秩正三品，告于太廟，以徵至

聖主崇儒
重道古今
無窮

聖不忘危

賢明聖母
非馬后之
諫太祖

諸儒王本杜祐龔致爲春官杜致趙民望吳源爲夏官
惟秋冬官未得其人以本等憚之每賜坐講論治道且
令圖其像各賜衣三秩又有待漏詔記之賜旣而王本
犯極刑召前御史中丞安然代之然以憂卒餘皆坐罪
黜此職遂廢○詔列侯楊璟薛顯等赴北平督兵屯田
兼往遼東訓練士卒

十二月宋濂孫宋慎坐胡惟黨被刑籍其家械濂至京
上怒欲誅之○皇后諫曰民間請一先生尚有始終不
忘待師之禮宋濂親授教太子諸王豈宜若是恣然濂
致仕在家必不知情乞赦其死○上意解濂得發茂州

未免有異
自之論矣

安置行至夔州以疾卒

身明江伯倫

卷七

去歲歲次什蒲上每歲來朝至期上停想既久廷
問屢矣及至大喜加勞焉三皇太子諸王喜動顏
色越翌日勅保曹奉醪膳抵寓館以賜日侍上游
盤旋某御否詢備至至便殿日晏始退上喟然嘆
曰純臣哉爾濂四夷皆知卿名卿其自愛歲暮遠還
既行數日上問其子璉曰朕曠昔夜夢見爾父談
笑如平時爾父雖去其容儼然如在目前也璉拜謝
曰非陛下念臣父之至何以形諸夢寐濂為人和易
雖為人所訕亦不校又好接引後生一生未嘗去書
致仕隱居青巖山人不見其面近視甚明一黍上能
作十宅乃不飲酒寡嗜欲故也至是卒于夔門人皆
惜之按國初立法甚嚴聖祖之威稟不可犯嘗
幸金華訪求許文正公之後得許文善召之未至而
車駕還京乃驛召赴京與語悅之為立京學命為教
授鑄印使佩之仍命入傳皇太子及諸王已而改
京國子博士監祭酒出入兩宮垂十年自稽古禮文
之事至于人材進退時政張弛無不與議文善亦是
是非非無所顧忌為學校更設規矩以教養數十事

上無不施行。及後文善以學官雜器用于私室。校陳者所勅章入。上覽而笑。言者不已。卒安置茂州。宋濂與文善皆國初名賢。嘗遇又。陸隆稍有差失。置法不宥如此。

以宋訥爲國子祭酒。訥元進士也。入明。由翰林學士。陞祭酒。橫襟講學。聞者如得所歸。科目所得人。材率三天下之一。○命豫刊天下明年大統曆。以十月朔日進上。頒賜諸王。及在京文武官。直隸府州縣。俱欽天監印造。頒給十三布政司。則本監豫以曆本及印分授之。使印刊以授府縣。頒之民間。○占城國遣使來賀。萬壽聖節。因言安南以兵攻其國。備訴其事。降勅慰諭之。

按我朝不欲遠事兵革故小夷爲強夷所侵多
置不問雖外夷未免觖心而中國之民不勝福矣

爪哇國王八達那巴那務遣使奉金葉表入貢留其使

月餘遣還

按爪哇卽古閩婆國又名蒲宋龍元稱爪哇其國分
東西二王所屬有蘇吉丹打板打網底忽諸國國王
宮磚墻墻高餘三丈方三十餘里屋高四丈地覆板
棠藤花簾跣趺而坐民居茅茨磚庫坐臥于內王蓬
頭頂金葉冠臂榮嵌絲軟腰束錦綺佩短刀跣足跨
象或乘牛民男蓬頭女椎結上衣下帔男必腰刀刀
極精巧刑無鞭朴罪不問輕重藤繫身殺之市用中
國古錢衡量倍于中國人有名無姓尙氣好鬪顏色
黝黑蓬頭赤脚坐卧無倚榻飲食無匙筋咬蛇蝻虫
蚋與犬同寢食不爲穢也婚男造女家後五日迎婦
金鼓刀盾前後甚都婦裸被髮跣足榮嵌絲軟戴被
金珠絲飾寶粧喪有水葬火葬二葬惟死者所欲產
金珠銀犀角象牙玳瑁青鹽檳榔椒食蘇木桃榔木
吉貝倒挂鳥綠鳩綠鳩紅綠白鸚鵡白鹿白猿猴

討乃顏不
花

洪武三年奉表入貢方物及黑奴三百人納元所授宣勅已而我使至三佛齊國瓜哇要而殺之至是來貢遣其使還詔諭貴王遂絕其使至永樂間復通中國

辛酉洪武十四年

正月詔求賢○命魏國公徐達率諸列侯湯和傅友德耿炳文沐英等將兵出塞討乃顏不花至北黃河虜騎駭遁友德等選輕騎夜襲灰山克之擒其平章別里哥樞密副使文通獲其部落人畜甚衆沐英領兵出古北口獨當一面克崙州討寧諸部悉驍騎河獲知院李宣并其部衆而還○上諭吏部曰樹藝非其土則不蕃校官非其才則不任任官之務當取方正之士邪佞者去

不私二字
自始人品
精而約

殷宗之不
能不遠不
過于此

漢武用桑
弘羊孔璣
之徒剥民
取利宋神
宗用王安
石理財小

之部臣以邪正為難辨。上曰：正人所為，治官事則不私。其家當公法，則不私其親。邪人反是，此亦可辨。○諭禮部臣曰：人君操賞罰之柄，以御天下，必在至公。無善而賞，是謂私惡；賞一君子而人皆喜，罰一小人而人皆懼，乃為至當。朕于賞罰，未嘗敢輕。若一時處分，或有未當，卿等宜明白執論，寧使賞厚于罰，但不可濫及使小人僥倖耳。○近臣有言：國家當理財，以紓國用者。上曰：天地生財，以養民，故為君者當以養民為務。大節浮費，薄稅歛，猶恐損人，況可重為徵歛乎？近臣復言：自天子至于庶人，未有不儲財而能為國。

人既達天
下發然此
可為戒
以故為舉
人主之福

賦役黃冊
之始

此至公均
之法何里
齊未免
富於貧法
久未能无
美耳
類五經

家者上曰人君儲財與庶人不同庶人為一家計則積
財於家君為天下主當散財於民豈可寒民之養而陰
奪其利乎孔子曰百姓不足君孰與足此言何謂也
四月詔仍免應天太平鎮江寧國廣德五郡秋糧創編
賦役黃冊

其則以一百一十戶為里推十糧多者十人為里長
餘百戶外為十里或役里長一人管轄一里之事城
都日坊近城日廂都日里十年一編每里編為一
冊冊首總為一圖圖標為孤獨不任役者則帶管下
百一十戶之外而列于圖後各存一本十年檢造一次
戶部各布政司及府州縣各存一本十年檢造一次
遂為定制

類五經四書于北方學校上謂廷臣曰夫道之不明由

十年之計
種木百年
之計樹人
聖祖之願
遠矣
討五溪蠻
德興其伏
波耶老而
益壯

教之不行也。夫五經戴聖人之道者也。譬之粟菽布帛。家不可無人。非菽粟布帛。則無以為衣食。非五經四書。則無由知道理。北方自喪亂以來。經籍殘缺。學者雖有美質而無講明。何由知道。今以五經頒賜之。使其講習。夫君子知學。則道與小人知學。則俗美。他日收效。亦未必不本于此也。○五月湖南五溪蠻作亂。議出師討之。江夏侯周德興請行。時德興年老。上未之許。德興請益力。且示其髮錄狀。上壯而遣之。賜以手書。師至五溪。蠻人見兵威甚盛。悉散走。不敢復出。○以鄧湜為福建布政司叅議。時胡惟庸既敗。四方有仇怨告訐者。卒

浙江鄭氏
共有孔北
海兄弟之
遺風乎

歷金見日

指為胡黨、坐重獄、及是有訴湜、交通惟庸者、湜兄弟五
人、吏捕之急、諸兄弟欲行、湜曰、弟在其忍、使諸兄罹刑
辟、獨詣吏請行、仲兄濂先有事京師、弟至、迎謂曰、吾家
長當任罪、弟無與焉、湜曰、兄老、吾往辦之、萬一不直、弟
當服辜、二人爭入獄、上聞之、俱召至廷、勞之、謂近臣
曰、有人如此、而肯從人、為非者耶、即宥之、詔賜酒食、擢
為參議、

湜、浦江人、鄭綺之孫、八世同居、表為義門、其兄濂娶
阮氏、與嫂不相能、立出之、有疑之者、綺曰、以一婦亡
故、使一家乖戾、義所不為、太祖問其世德、遣官徵
入京師、監見、上問曰、爾家何雍睦、至是、濂對曰、惟
若聽婦人言耳、此言有為、而發不聽婦言、亦正是雍
睦之一端也、高汝栻曰、浦江鄭氏家範、卓哉雍睦

之義。歸然。薄俗之重光也。胡可及哉。但周時一夫受
田百畝。仰事俯育。不過數口而已。未聞合族而食也。
八世同居。則合族以食也。諸侯大夫之家。立宗子以
統族人。使之聯屬昭穆。不至涣散而已。亦未聞合族
以食也。或曰。先王胡不以此義訓天下。曰。先王處其
勢有難行。而情有不順也。夫勢遠。則宗祖族廟情乖。
則兄弟閭閻。夫妻且有脫幅之隙。婦始不免反居之
訓。別族之親盡。則服盡。而情盡。猶塗人也。苟欲聚于
一門之內。而養殮之能保無矛盾戾乎。將一一繩
之以家訓。則法非義起。人有悖心。以情言之。夫既合
族而食。則凡飲食諸事。悉制于長。欲每飯而請與。豈
乘而止。嘯與夫杯酒笑歡于朋友。勢所不能。情難遽
遂。是以先王不敢強之也。卽如鄭滿。以與姒不相能。
而遂黜其妻。意欲和諧于兄弟也。而反睽隔于閨闈。
則夫婦之倫不薄于兄弟。胡以兄弟之故而致于夫
妻。於隔也。夫鄭既能八世同居。則刑于之化。諒所素
孚。孟子曰。身不行道。不能行
于妻子。則綺平日集可知矣。

汝南侯梅思祖知雲南布政司事張統爲左叅政

容美散毛
諸蠻作亂

時四川水盡源通塔平散毛諸洞蠻皆作亂茶毒傍近郡縣上謀征之乃命江夏侯周德興充征南將軍安慶侯仇成充副將軍征取容美等洞以及散毛其遣將發兵必欲摧堅撫順以靖西南時德興方搜捕五溪聞是命卽偕仇成等移兵進討諸洞未幾平之德興還京上頒勅慰勞賜田一庄○安南陳煒遣使奉表貢方物時思明府來言安南攻其永平等寨安南亦言思明府攻其脫峒諸處上以其詐命還其貢以書詰責陳煒復勅廣西布政司自今安南入貢並勿納

按安南唐虞時南交也秦爲象郡漢爲南越所據武帝平南越置交趾九真日南三郡宋梁時始土豪曲

承美者孫之已而并干劉隱未幾管內大亂衆推豪酋丁部爲州師部于璉繼立宋既平嶺表璉遂內附黎桓基丁氏李公蘊又纂黎氏陳日煚又纂李氏宋以遠夷故置不問相繼皆封爲交趾郡王元朝兼有華夷至憲宗遣將破其國而日煚竄居海島終不能支始歸附元封其子兆昂爲安南國王兆昂死子日桓自立元發兵破之日桓卒子日樽遣使朝貢元未天下大亂反角不至明興二年復來朝貢仍封爲安南國王賜以緋金銀印日煚卒弟日旌立日旌卒子日璉嗣五年陳叔明遣人朝貢却之明年又遣人納貢謝罪請封當是時煚阻王叔明者煚兄也專國政至是煚遣使來貢上惡其强悍詔責之其國東起欽州西歷江左北至臨安元江龍州其孔道悉詳其要害也由臨安經蒙自河蓮花灘至其東都可四五日其俗夷獠雜居不知禮義犷悍喜鬪不解耕種雅髻剪髮好浴善水平居不冠惟交愛人稠黨好謀驍衛人淳秀好學其山川佛跡勾漏海富良江爲大產金珠珊瑚玳瑁諸香蘇合油胡椒羚羊角犀象兕白鹿程從佛佛白雉翡翠珊瑚子鹽鹽波羅客烏木蘇木境內有越王城天使館浪泊柱銅鼓

討雲南

聖祖神武
天定諸將
道受成累
無不奏功
齊賀可謂
適逢其盛

時天下大定邊境咸寧四夷入蠻莫不稱臣奉職貢惟
雲南恃其險遠殺我信使納我逋逃九月朔命潁川侯
傅友德爲征南將軍永昌侯藍玉西平侯沐英爲征南
副將軍率師三十萬往討之列侯吳復金朝興仇成張
龍王弼都督張銓等皆從征上諭之曰雲南僻在遐
方行師之際當知其山川險易以窺進取朕嘗覽輿圖
咨詢于衆得其阨塞取之之計當自永寧先遣驍將別
率一軍以向烏撒大軍繼自辰沅以入普定分據要害
乃進兵曲靖雲南之喉嚨彼必併力于此以抗我師審
察形勢出奇制勝正在于此既下曲靖三將軍以一人

提兵向烏撒應永寧之師。大軍直搗雲南。彼此牽制。彼疲于奔命。破之必矣。雲南既克。宜分兵徑趨大理。先聲已振。勢將瓦解。其餘部落。可遣人招諭。不必苦煩也。師行。上出餞于龍江。旌旗蔽天。而上師至湖廣。友德分遣都督胡海、郭英、陳桓等率兵五萬由四川永寧趨烏撒。友德等率大軍由辰沅趨貴州。

十月命法司論囚擬律奏聞。從翰林院給事中及春坊正法司直郎會議平允。然後覆奏論決。○給事中鄭伯同言國初之制。凡啓事東宮。惟東宮官屬稱臣。朝臣則否。蓋尊無二上之意。今一體稱臣。于禮未安。翰林院編

此論最是

見國初用
人不拘資
格迥異今
日

遭御史按
治之始

修吳沉等曰東官國之大本所以繼聖體而承天位者也臣子尊敬之禮何得有異請稱臣如故從之

十一月以賢良方正何德忠爲河南布政司左叅議聰明正直金思存爲北平布政司右叅議以孝弟力田聶士舉爲四川布政司左叅議賢良方正蔣安素爲右叅政○上欲革天下刑獄壅蔽之弊故分遣御史四山按治凡坐罪者悉送京師大理寺詳議于是命御史林愿等往湖廣等處石恒等往直隸蘇松諸府按各道罪囚○傳反德進攻普定擒土酋安瓚羅鬼苗蠻仡佬開風迎降

時閩廣多盜命南雄侯趙庸率師討之○衛處溫三府
山寇吳達三葉丁香等連結作亂命延安侯唐勝宗率
兵往擒之并討平福安縣亂寇八千人○江陰侯吳良
卒追封江國公

假天子

十二月傳友德等兵至普安攻下之遂進取曲靖故元
梁王把匝剌瓦爾密遣其僞司徒平章達里麻將精兵
十餘萬屯曲靖以拒我師沐英曰彼謂我師疲于深入
未有虞心及其無虞心乃可破也遂倍道進師將至白
石江忽大路四塞銜霧及江而止頃之霧霽則兩軍相
望達里麻見之大驚以爲神兵飛至倉皇失措我師作

總用英謀
可見軍中
協和乃以
成功

如此然後
為吊民伐
罪之師

欲濟勢達里麻。擁兵陣南岸。友德用沐英謀。分遣一軍。泝流潛度。出其陣後。吹銅角。樹旗幟。為疑兵。山谷間達里麻益駭急。撒陣後軍以禦之。岸上軍心動。而陣亂。友德等趣師濟江。以猛而善泗者先之。長矛蒙盾。破敵軍。敵氣奪却數里。而後敢陣。我師既濟。整列進戰。矢石砲鏡齊發。呼聲震天地。戰數合。復縱鐵騎擣其中堅。敵衆披靡。遂大敗之。生擒達里麻。次者不可勝計。橫屍十餘里。俘衆二萬。友德悉縱使各歸本業。夷人見歸者皆喜。慰而軍聲益振。友德自率衆數萬。擊烏撒。分遣沐英等帥師趨雲南。梁王既入羅佐山。其右丞驢兒自曲靖馳

雲南平百
日而平雲
南何成功
之速也

歸謂曰事急矣將奈何。于是梁王挈妻孥與左丞達的
驢兒俱入普寧州。忽納砦焚其龍衣。驅妻子赴滇池島
中死。自飲藥不死。投水死之。父老爭焚香拜迎王師。英
入城秋毫無犯。收梁王金印官府符信圖籍撫安其民。
自出師至是僅百日。雲南平。友德等兵亦敗諸蠻。城烏
撒。初友德自曲靖率兵循孤山北以通永寧兵。遂搗烏
撒。諸蠻時元右丞實卜聞胡海等兵進自永寧。乃聚兵
赤水河以拒之。旣而海等造木筏夜半濟河進師。而友
德亦至。兵威振盛。實卜遁去。友德令諸將士築城版鍾
方具。蠻寇復合兵來戰。友德屯兵山岡持重以待之。諸

謀逆故特
審法所譴
知彼知已
也

賊馬散

將欲戰友德故弗許士卒無不奮勇思致死力友德度
其可用下令曰我軍深入有進無退彼既遁而復合心
必不一併力與戰破之必矣若使彼據險自固未易克
也我軍既陣有芒部土酋率衆援之實卜合勢迎戰我
軍鼓噪趨之戰十餘合其酋長多中槩墜馬死我軍勢
益奮蠻衆力不能支遂潰斬首三千餘級實卜率餘衆
遁遂城烏撒得七星關以通畢節又克可渡河于是東
川烏蒙芒部諸蠻震懼皆望風降附○工部尙書薛祥
死于杖下祥爲北平布政時宰不悅適天旱不雨誣
以差役不均坐殿左遷嘉興知府踰年惟庸誅罷中書

置六部。召祥爲工部尙書。上曰：「奸臣每抑汝，汝何不
言？」祥對曰：「臣罔知所故。」及是月，以他事遭累杖歿。

夫宋濂被放，卒于蕪州。祥復坐累歿于杖下。二臣皆
皆國初賢而有功者，不得以與入謀之例惜哉。

壬戌洪武十五年

正月沐英等率兵畧徵江臨安、沅江、尋甸、楚雄、洱海、次
第皆下。

二月進兵攻大理，克之。大理城倚點蒼山，西臨洱河，爲
固。南詔皮羅閣所築龍首龍尾，上下二關，號險要。土酋
段世聞王師且至，聚衆五萬扼下關。英自將攻之，牢不
可破。乃令王弼以兵出洱水東，趨上關。英兵綴下關，爲

題目大

蜀祖之詔
几十餘下
漢文而降
未有愛民
如此者

犄角勢別遣胡海將一軍夜從間道渡河繞出黠荅山
後攀木緣崖而上立我旗幟遲明我軍踴躍譁呼賊衆
驚亂新關而入海帥山上軍下攻之賊腹背受敵遂潰
拔其城擒段世遂分兵取鶴慶平飛江破石門關下金
齒由是車里及摩娑和泥等部相率歸附又畧建昌元
平章月魯帖木兒降雲南悉平○前太子正字晉府長
史桂彥良入朝獻萬世太平治要策十三事上嘉納
之○詔免直隸浙江及江西河南山東等處今年稅糧
○左春坊正字魏德壽舉文學汪叔瑜等○詔有司各
以楮幣聘之○命天下朝覲官員各舉所知一人○趙

庸討福建南靖盜及廣東程鄉海陽龍川河源歸善及
東莞諸寇盜平之。○征南將軍傅友德等遣人奏事初

上諭友德等

聖祖定事精細深遠一時廷臣莫能以雲南既平留江西浙江湖廣河南四

都司兵守之控制要害考元時所常留兵數并計歲支

稅糧從役之法與九事之便宜以聞至是友德奏自元

世祖至今百有餘年屢經兵燹圖籍不存兵數無從稽

考但當以今之要害量宜設衛以守其稅則元司徒平

達里麻等嘗言元末土田多爲僧道及豪宦隱占今準

元舊則於歲用有所不足已督布政履實雲南臨安楚

雄曲靖普安普定烏撒等衛及霑益盤江等千戶所見

復奏簡數
次第井然
如身臨其
地令人無
此明快

儲糧數一十八萬二千有奇以給軍食恐有不足宜以
今年府州縣所徵并故官寺院入官田及土官供輸鹽
商中納成兵屯田之入以給之上可其奏

三月南雄侯趙庸籍蛋戶為水軍○置錦衣衛及鎮撫
司先是置儀鑾司至是改為衛所隸有大漢將軍力士
校尉人等專掌立駕侍衛巡捕等事若有重囚下本衛
鎮撫司推鞠

以本衛鎮撫司後以非法凌虐將本衛州具燒毀本
衛官皆得罪以所繫囚送刑部洪武二十三年後復申
明鞠刑之禁凡罪囚俱送法司臣謂既置刑部三法
司又設鎮撫司推鞠多此一司矣只宜依洪武晚年
定制為是且武夫殘暴
其于治獄尤非所宜

蠻地悉平

小人欲中
上心先以
言利探之
後世如神
宗時言開
礦徵稅者
皆百口謫
民等官易

四月烏撒及東川芒部諸蠻復叛。上勅諭傳友德曰：諸蠻伺官軍散處，大勢不合，故有此變。今宜屯聚大軍，蕩除諸郡蠻寇，戮其酋長，使之畏威，方可屯兵守禦。七月，詔至友德乃移檄沐英會兵進討。之大敗烏撒諸蠻之衆，斬首三萬餘級，餘黨懼，相率來降。蠻地悉平，乃以烏撒烏蒙芒部三府地近四川，奏隸四川布政司。○廉州府巡檢王德亨上言：家本階州，界于西戎，有水銀坑冶，及青綠紫泥，願得兵取其地，以歸于朝。上謂戶部曰：珍奇之產，中國豈無？朕悉閉絕之，恐此途一開，小人規利，勞民傷財，爲害甚大。光控制邊境，貴于安靜。

曰問國承
家小人弗
用信哉

一家五節
婦雖貞可
於然情則
聖矣

苟用兵爭利。後獲不休。雖悔無及。此人但知趨利。不知
利害。豈可聽也。○諭天下通祀孔子。賜學糧。增師生廩
膳。○以儒士吳顯為國子監祭酒。○詔有司徒表遼東
高希鳳家為五節婦之門。裴鉄家為貞節之門。

五月皇長孫雄英卒。○國學既成。上將釋菜。令諸儒議
禮。議者曰。孔子雖聖人。臣也。禮宜一奠再拜。上曰。聖
如孔子。豈可以職位論哉。昔周太祖如孔子祠。將拜。左
右曰。陪臣不宜拜。周太祖曰。百世帝王之師。敢不拜乎。
遂再拜。朕深嘉其不惑于左右之言。今朕君天下。敬禮
百神先師之禮。宜特加尊崇。劉仲質乃與儒臣定議。其

應如保應
而官者不
止利之所
在即身有
所不顧即

餽從之。○上幸國子監，詣先師孔子，行釋菜禮，成退御講筵，祭酒吳顯等以次講畢。上諭顯等爲人師表，正當以孔子之道爲教，使諸生知所趨向。復命取尚書大禹謨、洪範親爲講說，反覆開論。羣臣聞者莫不悚悅。遂賜宴，竟日而還。○廣平府吏王允道言：磁州臨水鎮地產鐵，元嘗于此置鐵冶，都提舉司總轄沙窩等八冶爐，丁萬五千戶，歲收鐵百餘萬斤。請如舊置爐冶鐵。上曰：今各鐵冶數尚多，軍需不乏，而民之生業已定。若復設此，必重擾民。是又欲驅萬五千家于鐵冶之中也。杖之流海外。○士卒饋運渡海，有溺死者。上聞之，命羣

聖祖之心
無事作爲
處始

臣議屯田之法。論之曰。昔遼左之地。在元爲富。至朕卽
位之二年。元臣來歸。有勸復立遼陽行省者。朕以其地
早寒。土曠人稀。不欲建置勞民。但立衛以兵戍之。其糧
餉歲輸海上。每聞一夫航海。家人懷訣別之意。然事非
獲已。憂在朕心。必至期。復命士卒無虞。心方釋然。近聞
有溺死者。朕終夕不寐。爾等其議屯田之法。以圖長久
之利。

六月置大渡河守禦千戶。所征南將軍傅友德調從征
千戶吳中領兵千人守之。復造舟以渡往來之人。

七月開濟爲試。刑部尚書

高皇帝

濟洛陽人元濟嘗為察罕帖木兒掌書記入國朝為河南府訓導擢國子助教以病免十四年四歸官安然薦其有治才以毋憂未終至是始徵入覲故超擢之

上一日錄囚畢令御史袁凱送東宮覆審遞減之凱還

復命上問朕與東宮孰是凱頓首曰陛下法之正東

袁凱詩人也故善干應對如此

宮心之慈上大嘉悉從之○管陽侯楊璟卒追封芮

國公○宣德侯金朝興南征卒追封沂國公○靳春侯

康鐸南征卒于軍○旌表真定孝婦劉氏

按劉氏韓太初妻太初故元時為知印洪武七年劉遷和州挈家以行劉氏事姑密氏甚謹姑在道遇病劉氏刺臂血和湯以進姑疾愈北至和州太初卒劉氏種蔬以養姑又直姑患疾不能起劉氏號呼神明割股和湯以進姑復甦越月而卒劉氏殯之舍側園中欲還合葬于舅墓凡五年不能歸事聞上遣

以秀才而
起擢尚書
何驟貴之
若此

中使賜劉氏衣鈇官為送其
姑喪歸葬旌其門後其往後
以秀才曾泰為戶部尚書

八月命安陸侯吳復充總兵官平涼侯費聚為副統領
官軍普定等處勦捕凡攻破蠻寨數十諸夷懾服未幾
置貴州都指揮使司以聚署都司事○始令各衙門用
半印勘合行移先是各布政司因舊弊用空印紙于各
部查得錢糧軍需有差錯改正却將空印紙填寫咨呈
補卷事發上大怒曰如此作弊瞞我遂行考較議用
半印勘合出納關防

是月丙戌 皇后馬氏崩

太后聖事
稱頌不盡
而獨以君
臣相保為
難不啻殺
人為勸此
其識量尤
有大過人
者

后性恭儉既貴服制濯之衣衾調雖敵不忍易每製
衣裳餘帛緝為巾襪織工治絲有荒頽遺弃者亦俾
緝而織之以賜諸王妃公主謂曰生長富貴當知蚕
桑之不易當為天地惜物也后初未有子常育上
兄子文正婦子李玄忠及沐英等數人愛如已出及
太子諸王生恩無替焉按妃嬪以下有恩被寵顧有
子者待之加厚太子諸王雖愛之甚篤勉令務學諱
切懇至諸王有以衣服器皿相尚者必切責之上
以威武治天下后嘗濟之以寬仁上前殿決事
或震怒回宮必詢今日處何事怒何人因泣諫曰
上位已有樂子正好積德不可暴怒致殺死者冤枉
活人性命乃子孫之福國祚亦長久上從之決事
多從寬文正鎮江西荒淫無度上誅其左右取文
正回京欲罪之后諫曰文正雖驕縱自渡江以來
克太平破陳也先取建康多有戰功及堅守江西陳
氏強兵不能克皆其智勇也况骨肉親任縱有罪亦
當宥之上下曰后言是也後文正復出怨言上欲
廢之后又極諫而止吳興民沈萬三家富敵國
上嘗因事欲殺之后諫曰彼固富可敵國然未嘗
為不法事奈何疑而殺之故之甚切遂得不死但流

之于雲南而已。上幸太學還，后聞太學諸生有
揚挈妻孥者，無所仰給。勸上賜以月糧，給其家送。
為永制至是。后病劇，不肯服藥。上強之，終不肯
曰：「死生有命，雖扁鵲何益？使吾服藥而不愈，陛下
寧不以愛妾之故而殺此諸醫乎？妾不忍其無罪而
就死地也。」上曰：「第服之，殺吾一無効，吾當為汝貸
之耳。」后終不服藥而崩。年五十一。
上慟悼，終身不復立后。

九月葬馬皇后于鍾山孝陵。謚曰孝慈昭憲至仁文德。
承天順聖高皇后葬孝陵。○雲南諸夷叛沐英等平之。
先是大平既平，雲南即分兵四出，攻諸蠻部未服者。雲
南城守者少，諸夷因相扇為叛謀。有土官楊苴者，尤桀
黠，給其下曰：「總兵官已領大軍回矣，雲南城可圖也。」糾
集蠻衆二十萬來攻，進逼城下。守將都督謝熊都指揮

雲南漢書
歷年情狀
陸遂也

馮成督士卒、嬰城固守、多置強弓弩于城上、賊至輒射之、往往應弦而斃、賊不能攻、遂為困城計、時沐英駐兵易撒聞之、即選驍騎一萬還援、至曲靖先遣一健卒潛入報城中、為賊所得、詰之曰、總兵官領三十萬軍至矣、賊眾駭愕、轉相告報、拔營宵遁、走安寧、晉寧、江川等處、復據險固寨、欲謀再舉、英調兵悉勦滅之、斬首六萬餘級、生擒四千餘人、諸部悉定、雲南復平、○詔選高僧分侍諸王、命僧道衍往燕府、住持慶壽禪寺、

道衍、即姚廣孝、姑蘇人、幼出家、好讀書、工詩文、遇異人傳術、能預知人休咎、及善術數之學、太祖擇名僧輔諸王、文皇帝時、為燕王、廣孝自請于文皇帝、曰、願下告能用臣、臣當奉一白帽于其大王、戴也、既

漢孝之過
文皇猶創
基之過太
祖

而文皇自求賢孝于太祖許之洪武末靖難兵起
皆廣孝之謀也復其姓名竟不齒髮娶妻卒封崇國
公謚恭靖
配享文廟

鑄監察御史印文曰繩愆糾繆○吏部以經明行修之
士鄭韜等三千七百餘人入見上諭之曰朕自卽位
以來側席賢士與國至治然自古知人堯舜所難豈所
知者皆賢所未知者無賢哉故勅天下徵聘遺逸卿等
固皆賢人君子山林之下又豈無如卿者其悉舉以爲
朕用于是濟寧單縣儒士張寧以董倫等薦復遣使徵
之仍賜韜等鈔各一錠

十月北平都司言邊衛之設所以限隔內外宜謹烽火

徵督備

恩禮念優

爵之念固

其志固在

在彼而不

在此者

案成

嚴斥族控守要害然後可以警服胡虜撫輯邊氓按所
 轄關隘日一片石日黃土嶺日董家口日箭絛嶺諸如
 此類凡二百處宜以各衛校卒戍守其地詔從之○徵
 耆儒崇德鮑恂上海全思誠安吉余詮高郵張長年入
 見恂等年皆七十餘上喜賜坐顧問者久之並命爲
 文華殿大學士輔導皇太子及皇太孫恂等固辭
 上曰朕以卿等年高故授此職以輔導太子耳免卿早
 朝日晏而入不久當從其志庶不負卿等平生所學而
 卿里亦有光矣卿何辭焉恂等復固辭一日勅賜放還
 ○命儒臣重制九奏侑食樂章○置諫院官以耆儒劉

○高○商○○次○

經諫院

翰林典
閣之始

靜閣賢爲左右司諫兼春坊左右庶子趙肅何顯周爲
左右正言兼左右諭德○置殿閣學士以禮部尚書劉
仲質爲華蓋殿大學士翰林院學士宋訥爲文淵閣大
學士簡討吳伯宗爲武英殿太學士典籍吳沆爲東閣
大學士○命禮部頒劉向說苑新序于天下學校○朝
罷召侍從儒臣訪論古道上嘉東閣大學士吳沆德
業文學之美命畫工繪其像賜之以示褒寵

十二月吳沆薦方孝孺學行上召入見喜其舉動端
雅曰此壯士當老其才用之遣還鄉尋以仇家得罪詞
連孝孺籍其家械送闕下上見其名特開釋○孝陵成

封都督李新爲崇山侯。○設都察院以詹徽林驪爲監察都御史。○命長興侯耿炳文延安侯唐勝宗巡視陝西城池督軍屯田訓練士卒。陝西二十二衛兵軍凡一十萬六千餘人。得驍勇騎士二萬餘人。習馬二萬三千五百匹。

國初備邊惟以屯田訓練二者爲急。此兵食所以足。夷狄所以畏。邊境所以安。萬世所當遵守者也。命刑部尙書開濟定議考試徵秀士優劣。濟等議爲七條以上。上從之。○置天下府州縣提刑按察分司以儒士王存中等五百三十一人爲試。餘事按治二縣。○詔北平沿邊要害關隘二百處以名衛校卒戍守。

應聘儒士沈士榮上疏言事 上手詔諭曰卿八閩志士守儒者之道蓋久矣一旦應召而來倅然特出于衆人摠誠納忠欲罄所懷非但朕愛卿聞卿之風者皆知愛卿矣若守此不變將同古人名垂後世卿其勉之尋擢爲翰林侍詔○南雄侯趙庸討廣東羣盜前後破十二寨旣又攻克石鼓赤嶺等寨而四會縣涌白沙長康大冲口山河口陳家坊俱降庸慰而遣之有龍川河源民李元帥合龍南民作亂庸發兵補之遂率兵討陽山歸善等州蠻寇又克燈心龍湖龍歸大牛成家塘潭源洞等砦擒其賊首數十人斬首千餘級招降無算俘其

皇明通紀法傳全錄卷七終
賊首鍾平王至京、乃詔班師。○刑部尚書開濟奏、內外
諸司議刑、奏劄動輒千萬言、泛濫無紀。上亦以虛詞
失實、浮文亂真、厭之。命刑科會諸司官、會議奏劄、成張
榜示中外。